

اداره خانه

باب عالی جاده سنده دائره مخصوصه

آبونه شرائطی

ممالك عثمانیه ده سنه لکی (۶۵)، التي
آیلغی (۳۵) غروشدرد. ممالك اجنبیه ده
سنه لکی (۱۷)، التي آیلغی (۹) فرانقدر.
[يضاحات: نسخه سی الی پاره، التي
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندر،
§ آدرس تبدیلنده قرق پاره لک
بول کوندردلی در.

§ مسلكه موافق آثار مع الممنونیه
قبول اولنور. درج ایدیلمه یازیلر
اعاده اولونماز.

المجله

۱۳۳۰ ◆ ◆ ◆ ۱۳۳۱

دینی، علمی، ادبی، سیاسی هفته لک مجموعه اسلامی در

اخطارات

رساله مزردن آلدیغی کوسترملک شرطیله
بتون یازیلر هر هالکی بر غننه طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولسی و آبونه صره نومروسنی محتوی
بولونمسی؛

§

ممالك اجنبیه ایچون آبونه اولانلرک
آدرس لرینک فرانسیزجه سی ده یازلمسی؛

§

پاره کوندردلیکی زمان نه یه دائر اولدیغنک
واضحاً بیلدیرلمسی رجا اولنور.

اتبعون اهدکم سبیل الرشاد

والله یهدی من یشاء الی صراط مستقیم

صاحب و مدیر مسؤل: ح. اشرف ادیب

۲ جمادی الاخره ۱۳۳۱ پنجشنبه ۲۵ نیسان ۱۳۲۹

جلد ۱۰

عدد ۲۴۳

احوال اسف اشتماله حصر ایدہ رک بوخصوصده شایان عبرت صفحه لردن بمضیلرینی عرض ایتشدم . بودفعه ایسه مسلك عامیه نك موقع اجتماعی واداریسنه تشمیل تدقیقات ایله اووایدہ وجودہ کتیریلن آنارغفلتدن بحث ایتک ایستورم .

دین مین اسلام سعادت دارینی کافل اولدینی جهته احوال مدنیہ وسجایای اخلاقیه مزك ناظم اساسی قرآن کریم ایله ادله سائر شرعیہ اولوب ملت اسلامیہ نك كرك منفرداً و كرك مجتمعاً اجرا ایدہ جکاری اعمال دنیویہ دن هیچ بریسی احکام شرعیہ قارشى ایچی وجهله برر وضعیت آلمقدن خالی اوله ماز فی الحقیقه مذاهب سائر اصحابی آره سنده دین برامر وجدانی اعتبار ایدیلوب هر شخصك هویت مغویه سندن خارجه حقیقه مدینی ورهبان صنفی آنحق ریاست روحانیه ایله وظیفه دار اولدینی حالده علمای اسلامیہ نك عهدۀ فضیلتندہ بك باشقه وظائف تقرر ایدیه رك شعبات حکومت بیلہ متشرعینك معاونتدن وارسته قاله مامشدر .

بو کیفیت بر حقیقت قطعیه اولدینی حالده علمایه اولان احتیاجك ماهیت و کمیتی بزده ناصل بر مقیاس ایله تقدیر ایدلیکی و بوزمرۀ فاضلهیه مستحق اولدقاری مواقع اشغال ایتدیریلوب ایتدیرلمدیکی قضیه سی اهمیتله شایان نظر اولسه کر کدر .

طلبة علومدن برافندینك « نصر » دیدیکی کون ایله اجازت دعاسنه « آمین » خوان اولدینی زمان آره سنده کندیسى ایچون غایۀ خیال درسه چیقوب بین الامثال تمیز ایله طلبه جمع ایتک ، ابوئی ایچون زبده آمال اوغللری فاتح قبه سی آلتندہ تحتہ دوکک ، خواجه افندی ایچون مقصد اقصى دخی کندیسنه قدر کلش اولان سلسله تدریس طلبه سی ادامه ایتک درکه حیاتك شو مغفل لمعانه آلمیم افکار ایدرکن وجوده کلن اتحاد آمال مدارسى هرشیدن اول بردرسعام محررجی حاله کتیره مشدر . بر عربی عالمندن بك چوق خدمت بکلنه بیلدیکی حالده حاکم اولغه بیلہ تنزل ایتمین عالمر بدایت اسلامدن بری کوریلہ گلشدر . حقى رؤس امتحانسه مکرراً کیردیکی حالده موفق اوله مایوبده کندیسى مدرسه یه وقف ایدیه رك تارك دنیا و تعمیر مخصوصیلہ « قدماى لایفلاحون » زمهرسنة داخل اولانلر بوکون بیلہ اکسیك دکدر .

او قوق ، او قونق ؛ او قورکن تفيض ، او قودیرکن تکمل ایتک ؛ علمك ذوقی آلمش کیمسه لر ایچون عادتاً برغداى روح حکمنده ایسه ده بر علمك سالکینی (اکمال نسخ) ایتدکن صکره عمومیتله تدریس سوداسنده اولورسه معلومات مکاتبه لرینك تطبیقات فلیه سی لفظی مراد اولمقدن برخطوه ایلری کچه مز . مخاطبینك استفادہ سنی تأمین ایدہ بیلیمك ، حق اظهار فضله مقتدر اولمق مسثنی بر استعداده وابسته درکه شوقالینتی مسلکیله توفیق ایلینلر شهبه سز خیر الخلف یتیشدیرمك بختیارلغنه نائل اولورلر . بالعکس مدقق بر مؤلف ، متبّع بر مفتی ، عادل بر حاکم ، بلیغ بر واعظ ، جوال بر آووقات اولمق کبی معلملکدن بوسوتون آیری استعدادره مالک اولانلر وظیفۀ تعلیمه هوس ایتدکری

به لری ... چونکه برملتک اجتماعی ، ملی ، سیاسی و عسکری ، عملی ومدنی قوتی آنحق و آنحق اقتصادیاتى تشکیل ایدر .. اقتصادیاتسز ، اجتماعیات ، مدنیت ، ملیت ، دین اولماز . هپسی محکوم سقوط وانقراضدر ... ایشته بوتون مسلمانلرک و مسلمانلرک حال حاضری . بنشاء علیه ، یکانه چاره : تهلکه نك بك یاقینده اولدینی کور رک خواجه لریمز ، واعظلریمز ، کوی ومحله اماملریمز ومختارلریمز اللہنی ، دینی دوشونہ رک ، دینداش لریمه آجیه رق ، مسلمانلغه یامش بولوباجنی جنایت وخیاتی ، کفر وعصیانى نظر دقه آله رق . دیناً و شرعاً مجبور بولوندینی خلقی ارشاد وحایه وظیفه سنی وجداننده ، روحنده برکولش کبی حس ایدیه رك وظیفه باشنه قوشملی ... جامعلرده ، کویلرده ، محله لرده ، هر ، هریرده فقط کمال سکوت ووقار ایله مسلمانلرک اجنیلرله قطعياً آیش ویریش ایتمه لریمه ، اجنیلرله نه قدر محتاج اولورسه اولسون قطعياً املاک و اراضی صائم ، ترهین معامله سی یاپنا . ملریمه ، اجنیلرله هر درلو معاملات و مناسبات اقتصادیه یی قطع ایتلریمه ، اولنری قازاندریمغه دکل ، بلکه اولنردن قازانلریمه ، اسلام زنکیلرینك مسلمان اموال واملاکنى ، ثروت واقتصادی محافظه ایچین هر درلو واسطه لره مراجعت ایتمه لریمه دائر هم حقیقہ لری . فلاکتلری ، همده دینی ووطنی وظیفه لری ، حقاری ، مجبوریتلری آکلاهرق وعظ ونصیحتلر ویرملی ، صوکره بواشی تعقیب ایدیه رك ، هیچ بر زمان آرقه سنی کسمه یه رك ، یورولمایه رق ، بیلمایه رق آیلرجه ، سنلرجه اوغراشه رق اسلاملری بودرلو حرکتیه مجبور ایتلیدر ...

خطابه باشنده سولدیکم کبی ، خرستیانلرک اسلام اراضی واملاکنى آلمق ایچین آره لرندہ کی جمعیتلردن ، اولنرک یابدقاری ایشلرک استند . نستقرندن ، بوتون خرستیانلرک بوخصوصه دائر اتحاد واشترا کنندن ، حتی بوکا دائر یرلی و عثمانلی خرستیانلردن بعضیلرله اجنیلرک اشتراک واشتلافندن ، اوروپالیرکده بواشده یرایلرله متحد اولدقنلردن مدلاً وثائقله بحث ایدہ جکم وبوتون حقیقتلری میدانہ قویه رق دین وملیت وظیفه می یامیه چالیشه جیم .. بو حقیقتلره . فلاکتلره ، تهلکه لره کوز یوموبده بودینی ووطنی وظیفه لری ایفا ایتیه جک خواجه لریمزى ، واعظلریمزى ، کوی ومحله اماملریمزى تشهیر ایدہ جکم ... حکومتلری ملی ودولی وظیفه لریمه چاغیره جیم .. بوخصوصه قطعياً بیلمایه جیم وقورقانه جیم ... ایشته شیمدن سولبورم : مسلمانلغی ، اجتماعاً ومدنیة ، اقتصاداً املاک و اراضی اعتباریلہ ، هیچ اولمازسه کندى دیارند . خرستیانلرک بویوندوروغندن قورتارمایه جق بویوکلره ، زنکیلره ، خواجه لره یوز بیک تأسف اولسون ! ... صالح عبدالله

تنبيه عزمی

مسالك علمیه

اولکی مقالہ می مدارس علمیه ایله منتسبلرینك محکوم اولدینی

صورته هم کنديلرينك ، همده طلبه نك حياتي زهرلنكدن باشقه بر شيه موفق اوله مازلر . ايكي طلبه به اجازت ویرن نحریر لره مقابل وسط درجه علم ايله برقاج یوز طلبه يتيشديرن خواجه لر کورلشدر . كذلك سحرار بر ناطقه به مالک اولدقلری حلاله طلبه نك دماغه هيچ برشی القا ایدمه یئرلده نادر دکدر . کرسی تدریسه محوور ماد اولان بو ذکالرك ماهیتی هيچ اولمازسه مقام عائنهجه تقدیر ایديله رك طرق لازمه سینه سوق ایدلسه عالم عرفانه متخصص بر چوق عضولر علاوه ایدلش اولور ظنده يم . نه چاره که کیملردن نه بکنمک اقتضا ایتدیکنی تقدیر ایديله جک بر دوره انتباهه حالا داخل اولمديغمز آکلاشیلور .

مثلا : مجاز افنديلر ایچون « مدرسه الواعظین » ناميله بر صنف کشاد اولنیور . بوصفک کشادنن مقصد عالم اسلام لسانيله خدمت ایدمک ذوات يتيشديرمک اولدینی حلاله بورایه آلنان طلبه ده یالکز اهلیت علمیه آرابوب قره نطقیه ، جرزه افاده ، وسعت قریحه کبی شیر خاطره کلیور . حتی ایچریده کی تدریساتده بیله بویولده بر امل تعقیب ایدلیور . حالبوکه انشای قبولده اوفاق بر معاینه و پروغرامه بعض علاوات ايله شرائط مطلوبه یی حائر طلبه يتيشديرمک کوچ برشی دکدر . طلبه دن رؤس امتحاننده موفق اوله میانلرله شهرتی استراحت فدا ایدلردن قسم کلیسی کنديلرین مکتب نوبه نامزد عدايدرلر . مکتب نوب ؛ دخول امتحانک جدتی و تدریساتک مکملتی اعتباريله مکاتب عالیهمز میاننده بر موقع بالاترین اشغال ایدر . دینیه بیلیرکه هيچ بر مکتب عالی به تحصیل ایدمک چکی درس ایچون بو قدر قوتلی حاضرلش طلبه آلنه میور . بونکله برابر ماذونین نوابک اشغالنه مستحق اولدقلری مواقع کنديلرینه دریغ ایديله رك معلوماتلردن استفاده طریق کوزه دیلیور :

اولجه تشکیلات عدلیه کورمین قضالد ، محکمه نظامیه ریاستی ده عهده لرینه محول اولدینی حلاله بو کون کنديلرینه یالکز محکمه شرعیه یی اداره ایتک قاشدر . غریبدرکه عدلیه نظارتی (۱۳۲۵) تشکیلاتیه قضانه یالکز محکمه شرعیه حاکمکنی بر اقرکن مکتب نوبه (حقوق درسلی) ناميله « قانون جزا » و « اصول جزائیه » کی محاکم جزائیه ده قاله آلتیه حق معاملات ، حتی « حقوق دول » و « اقتصاد » کی محاکم جزائیه و حقوقیه ده بیله میدان تطبیقاته چیقه میان نظریات اجتماعی درسلی علاوه ایدیلیور دی . بودرسلرک محاکم شرعیه ده زمین تطبیقات بوله میه جفندن صرف نظر بونلرك تدریسنده تعقیب ایدیلن طریق اختصار ايله تطبیقاته ذاتاً میدان بر اقلیمه جنی آکلاشیلور . بونکله برابر قضاتک محاکم شرعیه دائره سندن خارجه چیقه ماملری فکرنده اولدیغمز ظن اولماسون ، قاضیلر فقهده کی وسعت معلوماتلریله و واقف اولدقلری لسان عرب سایه سنده اجرا ایدمه ییله جکلری دور و دراز تبعات ايله - ذاتاً قواعد فقهیه دن مستنبط اولان - احکام حقوقیه مزک یکانه متخصصی درلر . مکتب حقوق ايله مکتب نوبده اوقونان مجله درسلی مقایسه ایديله جک اولورسه آرله رنده پک بویوک فرق کوریلور .

نوبده مجله تدریس ایدن معلم احکام فرعیه یی دائماً اصوله ارجاع ايله اواصله تفرع ایدن مسائلی عنعناتیه محاکمه ایدمه بیلدیکی حلاله حقوقیه آنجق اعدادیدن نشأت ایتش وفقه ک معنای حقیقه - فی مجله نك برنجی ماده سندن اوکرشمش طلبه مواجهه سنده مجله معلملرینک موقعی جداً مشکل بر وضعیت آیور . « مجله احکام عدلیه » صرف بر قانون اعتبار ایدلسه بیله اولجه نظریاتی بیلنمین بر قانونک تدریسندن استفاده بکننه - میه جکی تدریسات حقوقیه ده کسب قطعیت ایتش مسائلدر . قانون جزادن اول « حقوق جزائیه » ، اصول محاکمات جزائیه قانونندن اول « اصول جزائیه » ، اصول محاکمات حقوقیه قانونندن اول « اصول حقوقیه » ، قانون تجارتدن اول « حقوق تجارت » اوقونق نه قدر لازم ایسه مجله دن مقدم « فقه » - حق « اصول فقه » بیلیمکده اوقدر ضروریدر . ذاتاً جزا و تجارت نظریاتی کورنلر اونلره دائر قوانینی شرحیله اوقوبوب از برلمک و احکامی تماماً بیلیمک مجبور اولما یوب نظریات ايله تشخیص مسئله ایتدکدن صکره قانونک بوباده کی حکمنه مراجعت ایدرلر . ایشته عدلیه فقه و اصول فقهده مجله به کوره نظریات موقعنده قاهره مجله بونظریاتک محصله سی اولان قانون دیمک اولورکه بر فقه عالمی مجله ماده لرینی بیلیمه بیله بر مسئله حقوقیه یی فقهاً حل ایدمک حکم مجله به بلا مشکلات ربط ایدمه بیلیر .

برقانون ایچون اولجه حاضرلندن اونی مشروحاً اوقومنه باشلامق تامین مقصده هيچ بر وجهله کفایت ایتمه جکندن ماعدا ؛ سلسله مؤاددن عبارت بولنان بر مجموعه یی پک مکمل بیلنر بیله اونک عالمی دکل ، آنجق بر حافظی اولورلر . ایجاب زمان ايله مجله نك بعض مواد ی تغییر ایديله رك برلرینه اقوال فقهیه دن مفتی به دیگر قوللر وضع ایديله جک اولسه او مواد جدید - اربابی طرفندن شرح ایدیلنجه به قدر - فقهه غیرواقف حکامه مهم قاله جقدر .

بوکون مکتب حقوقیه اصول فقه اوقودیلیور . ادله شرعیه دن استنباط احکام ایلک طریق لرینی کوسترن بو علمی آیات واحادیثک بر جمله سنی آکلامق دن عاجز طلبه به اوقونمقده کی حکمتی حل ایدمه یئرلردن بریسی ده بز . یوز یکر می صحیفه ک تورکجه بر اصول فقهی عربجه بیلیمز بر طلبه به اوقونمقدن بیلیمز که نه بکلنیور !

خلاصه : « حقوق » ايله « جزا » حاکملری آیرنی برر شعبه کی منابع مختلفه دن يتيشديرلمکجه بزده توزیع عدالت قضیه سی پک نسبی بر ماهیتده قالمق دن قور تومیه جقدر . حکومات غریبه نك قوانین مدنیه سی بزده اولدینی کی نقلیاته دکل ، بالعکس عقلیاته مبتنی اولدینی حلاله حقوق و جزا صنفلی حکامک آنجق حائر اوله جقلری اوصاف ايله مسلکک بر شعبه سنده اختصاصلرینی تامین نقطه نظرندن بو ایکی صنفک آیری يتيشديرلمسی فکری اولدقجه میدان آلمش و حتی ایتالیاده تطبیقاته باشلانمش اولدینی حلاله بزده طبیعت مصلحتک ذاتاً ایجاب ایتدیردیکی بو کیفیتک اهمیت حالا لایقیله تقدیر ایدمه میور . تکرار ایدمک که بر حقوق ماذونی مسائل جزائیه نك مشکلاتی السنه اجنبیه نك اعانه سیله

اقتحام ایتسه بیلجه موادینه طوغریدن طوغری به تماس ایتمین مسائل حقو- قیه نك حله آوروپا (قانون مدنی Code civil) لری هیچ بروجهله امدادینه یتیشه مز .

مدارسك مخرج اولدینی بر مکتب عالی ده دارا فنونك «علوم عالیة دینیة» شعبه سی ایدی. بکن سنه بوشعبه نك ده اعدادی ماذون دینه حصر ایدلیکنی مع التعجب خبر آلدق . بوشعبه نك جمله تدریساتندن اولان تفسیر . حدیث . کلام . اصول کبی درساری آ کلاوق عربیده بهره کامله صاحبی اولمغه توقف ایدر ظن ایلردك. بزم بدیهی بیلدیکن بوشی بوسیوتون برعکس ظهور ایتدی . کلام و اصول درساری تورکجه او قونه حق ایش ، عجبا تفسیر ایله حدیث هانکی اسانه مال ایدیه جك؟ بورایه آلمان طلبه علومده بعض جهترجه نقصانی معلومات کوریلور ایشه دخول امتحاننده اومعلومات طلب ایدیه بیلیر ایدی .

اوتون دینی مدتیجه فنون شتایه دأرده خیلی درس کورلمه سی قابل اولوب بوندن صکره آریله حق شمه لرده حاکم ، مفتی ، واعظ ، فیلسوف ، مستغرب کبی اسلامیتی هم تحکیم ومدامه ، هم توسیع ایده جك ذوات مقتدره یتیشدیرمك جهته بذل همت ایدیلیر .

ایشته اصلاحات علمیه ده کوزدیلجه جك نقاط عمومیه بونلردرکه خصوصیات و تفرعاتك کافه سی بوا مللرک اطرافده تجمیع ایتدیجه بومسلکک طریق صلاحه طوغری خطوه اندز اولدینی کورمك نصیب اوله ماز .
(باندیرمه)
خطیب زاده :
احمد وصفی

طلبه علومده حرکت فکریه :

اشتراک افکار

بکن هفته کی محترم سبیل الرشادک بوستونلرنده درسعام اقدیریمزك تعقیب ایتدکری اصول سقیم حقهده عشاق ح . اسماعیل حق وایکیوز امضای حادی منورالافکار ارقداشلرمن طرفندن سرد ایدیلن مطالعات منظورمن اولدی . دوغریسی مسلکداشلریمزك شوحرکت اقبالجویانلرندن مباهی ومفتخر اولمقله مسئله نك الک عمیق ودقیق نقطه سنه کسب اطلاع ایش و مسلکمن نامه سمی وغیرته بولنش اولدقلرندن کشیدیلرینی انشلایه رق بز سلطان احمد طایفه علمی ودرسخانه مداومینی ده بشون موجودیتقرله فکرلریته ، عزملریته مع الاقتضار اشتراک ایتدیکنی بیکانه ترجمان حسیاتمز اولان سبیل الرشاد مجموعه اسلامیه سی واسطه سیله اعلان ایدمك بوخصوصده زده مطالعه منری بیانه تصدی ایلدیرزکه :

وقتیله معارف اسلامیه نك مهد ظهوری اولان مدرسلارده بکون معرفت نامه هیچ بر شیلر کورولور . . . یازیق ، عالم اسلامک بومسلک اربابندن ده دوغریسی بزلردن شدله امیدوانظار ایتدیکی منفعتلر ، طاتلی غایله حصو ایلدیر اولمقله برابر بکننجلرک معصوم دماغلری ، آتشین ذکالری اطرافری استیلا ایدن اثره سنا . نك قیل وقال نقطه سنه سونوب کیدور . طوراق آتینده قامش دمیر بارچه سی کی چوریور . صکره نامه ، نه دولته حق کشیدی نفسزده فائده من اولور . . .

بزنشنگان معرفت مدرسه نك سیننه آتایرکن نك اتلی امیدلرک - صولیچون ونیجه اعتباریله شوطالعز ملتك نوره ، عرفانه اولان احتیاجنی ازاله مقصد خیرینی تعقیباً منبع العرفان اولان مدرسه لره آتیلدق . . . اوخ نه قدر طاتلی امل . . . ناغنیجه خیال . . . فقط ، بو آرزولرمن وجود بولمیدنن متأثر ومتأسفر . لکن . بوفکرمنده ثابتقدمنز ، بوامل خیرک حیز آرای حصولیچون هرطاشه باش اوره جقز . . .

بناء علیه مرجع عائدمنز واستاد کرامزدن بر بارچه نصاب دیلهرز ! یازیق دکلیدرکه اون سنه اعلال ایله ، ادغام ایله ، عللر ایله اوغراشه لمده اساس مقصد اولان حدیث ، تفسیر ، اصول فقه ، علم کلام کی علوم عالییه بیکانه قالم . حالا اوقرون وسطنك بپتمز توکنمنز قیل وقالنك اهتزازات مششوم سیله چالغانه لم .

ایشته صراحة وواضحاً آ کلاشیلورکه تدریسك سقامتی بوزندن اساس مقصدی غائب ایدمك سمت مجهوله . وادی راهمولنا که درغری آلا بیلدیکنزه کیتمشزده بکونکی درکه تدنی به تنزل ایتمشز . آرتق بونظریاته فائحه چکمک زمانی چوقدن حلول ایتدیکندن ترقی وتعالیمز ایچون برآدرل تشبثات جدیده ده بوللملرینی مرجع عائدمنز درت کوزله بکلورز . . .

زده بووطنک اولادلری بز ! نیچون محروم معارف بولنه لم ؟ ونیچون تعریض وتقییح لکنده ایلکیه لم ؟ وینه نیچون مذلتله ، ضیق معیشتله رطوبتخانه لرده

معارف عثمانیه نك بر درد دوا ناپذیر ایله معلول بر عضوی ظن ایدیلن طریق علمیه حقهده بزم نقطه نظرمن اصلاحاتدن زیاده تأسیسات جهته معطوفدر . غربک بیکلرجه مؤسسات عرفانی بزم ایچون مابه الاقتباس اوله میه جقسه نیچون اولردن ده مکملنی میدانه کتیره میورز؟ غرب علمای دیانندن یوزلرجه مستشرق یتیشه رك مملکت مزه صاحب ، وجدان مزه حاکم اواق ایسترنکن نیچون علمای اسلامیه دن مستغربلر حقیقه رق آوروپایی بزم ، بز آوروپایه طانیتمی ، آوروپانک اسلامیت حقهده کی افکار فاسده سی تصحیح ایتک کی خدمات ایله موظف اولیورلر؟ حتی نیچون مکتب سلطانیدن فرانسیزجه قونوشه رق چیقازلر غرب ایله طانیشیورلرده کندی دین ووطن قرداشلرمن اولان سوریه ، عراق ، حجاز ، یمن ، مصر اهالیسیله آ کلاشه میورز ؟ . . ره بان نصارا هر زمان عقد ایتدکری قونفرملرده خرسیتیانلغک توسعی حقهده کیم بیلیر نه کی مقررات اتحاد ایدمك اجرای فعلیاتنه ده تشبث ایلدکری حالده کیمه معظمه اطرافنده هر سنه اجتماع ایدن یوز بیکلرجه حجاج نیچون لسان قرآن ایله یکدیگرینک دردینی آ کلایه میورز ؟ ! . . .

ایشته بز بوتون بو (نیچون ؟) لره تأسیسات ایله جواب بکلورز . معارف سهاقه مزك تاریخ مجسمی اولان مدرسه لر آرتق منبع فیضی لیلی دارالفنونلره ترك ایتیلدر . اولیه دارالفنونلرکه طلبه فصیح اللسان عرب خدمه ومبصرلردن عربجه دن باشقه برکله ایشیتیمدیکی مدتیجه تدریسات ده کاملاً عربجه تعقیب اولمغه رق شیمدیکی ترجمه اصولی قطعاً ترك ایدیلدر . السنه اجنبیه تدریساتنده بک طوغری اوله رق تقرر ایتمش برقاعده درکه هر لسان ینه کندی کله لریله تعلم اولنوب دیگر بر لسانک معاونتنه محتاج اولماق اقتضا ایدر . بناء علیه عربجه ده ینه عرب لسانیله تدریس ایدیلجه جك اولورسه هم ترجمه اصولنده غائب ایدیلن زمان قازانیلمش ، هم ده لسانک بوتون شیوه وخصوصات ایله اوکره نیلمه سی تحت تأمین آتیش اولور .

طرق علمیه نك کافه سنه لازم اولان صرف ، نحو ، ادبیات